

SA's Leading Past Year

Exam Paper Portal

S T U D Y

You have Downloaded, yet Another Great Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ www.saexampapers.co.za



**SA EXAM
PAPERS**



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

LIBANGA 12

SISWATI LULWIMI LWASEKHAYA (HL)

LIPHEPHA LESITSATFU (P3)

LWETI 2016

EMAMAKI: 100

SIKHATSI: Ema-awa 2½

Leliphepha linemakhasi la-5.

TICONDZISO KULABAHLOLWAKO

1. Leliphepha lehlukaniwe TIGABA LETIMBILI:

SIGABA A: Indzaba (50)

SIGABA B: Ematheksthi emibhalombiko (2 x 25) (50)

CAPHELA: Bahlolwa balindzeleke kutsi baphendvule imibuto LEMIBILI ESIGABENI B.

2. Phendvula MUNYE umbuto ESIGABENI A, NAMIBILI ESIGABENI B.

3. Bhala TONKHE timphendvulo ngeSiswati.

4. Cala LESO NALESO sigaba ekhasini LELISHA.

5. Hlela (Sib. libalavemcondvo, umdvwebo, ifloshadi, njll.) uphindze uhlunge emaphutsa emsebentini wakho. Cala ngeluhlaka NGEMBIKWEKUBHALA indzaba.

6. Luhlaka aluvetwe ngalokucacile. Dvweba umugca lovundlile etikweluhlaka.

7. Siphakamiso sekulawulwa kwesikhatsi:

SIGABA A: Lokungenani imizuzu le-80

SIGABA B: Lokungenani imizuzu le-70 (2 x 35)

8. Tinombolo tetimphendvulo atihambisane naleto letisephepheni lemibuto njengobe tinjalo.

9. Sihloko asingabalwa nakubalwa linani lemagama.

10. Bhala ngebunono nangesandla lesifundzekako.

SIGABA A: INDZABA**UMBUTO 1**

Bhala indzaba NGASINYE saletihloko letisitfupha letilandzelako ibe ngemagama langabi ngaphasi kwala-340 aphindze angabi ngetulu kwala-390. Nangabe ukhetse sitfombe indzaba yakho yinike sihloko.

- 1.1 Mhlazana ngibuyela ekhaya emva kwesikhatsi lesidze ngahamba. [50]
- 1.2 Tindlela tekonga emanti. [50]
- 1.3 Utsini umbono wakho ngemicimbi yekuklonyeliswa kwetihlabani tamatekuletjeni nakuphuma imiphumela? [50]
- 1.4 Tekuchumana letinhlobonhlobo tiyasakha tibuye tisibhidlite similo selusha lwalomuhla. [50]
- 1.5 Ngifundze lukhulu ngekutihlanganisa nebangani lababi. Emuva angibuyeli. [50]
- 1.6 Khetsa SINYE sitfombe kuletilandzelako bese ubhala ngaso indzaba. Indzaba yakho kufanele ihambelane nalesitfombe losikhetsile. Nika indzaba yakho sihloko.

1.6.1

www.sodahead.com

[50]

1.6.2



[www.wisegeek.com]

[50]

1.6.3



[www.dreamstime.com]

[50]

SAMBA SESIGABA A:

50

SIGABA B: EMATHEKSTHI EMIBHALOMBIKO**UMBUTO 2**

Khetsa KUBILI kulokulandzelako ubhale ngako ngemagama langabi ngaphasi kwala-100 aphindze angabi ngetulu kwala-120 itheksthi ngayinye.

2.1 INCWADZI LEHLELEKILE

Utsenge ikhalikhuletha lebita imali leshisiwe. Lekhalikhuletha ivele yangasasebenti nenyanga ingakapheli uyitsengile. Bhalela umphatsisitolo lotsenge kuye lekhalikhuletha ukhonone ngaleninga.

[25]**2.2 UMLANDVOMUFI**

Kushone umngani wakho lebenidlala naye libhola letinyawo/letandla. Wena njengakapteni welicembu lenilidlalako, nemuntfu lenikhule naye, ucelwe ngumndeni kutsi ubhale umlandvomufi wakhe. Bhala lomlandvomufi lotawufundwa ngelilanga lekumbeka.

[25]**2.3 SIHLATIYWA**

Wena ungumholi welusha esigodzini sangakini. Beninemshuco wekwesweleka kwemisebenti elusheni lolubuya emakolishi nasemanyuvesi. Esikhundleni sekutsi umshuco ube nekuthula, lusha luvuke indlwabane, lwephula titolo, lwatitsatsela tintfo tebantfu letitsengiswako. Bhala sihlatiywa salomshuco.

[25]**2.4 INKHULUMO LEHLELEKILE**

Njengelilunga lemkhandlu lophetse bafundzi esikolweni senu, umenywe beLitiko Letemfundvo kutsi utewetfula inkhulumo emcinjini wekwetfula luhlelo lwekukhutsata bafundzi etifundweni tabo kute baphumelele ekupheleni kwemnyaka. Bhala lenkhulumo lotawube uyetfula ngalelo langa.

[25]**2.5 INCWADZI YEBUNGANI**

Unenkinga lematima, leyinsindzabetjatsi lucobo lwayo, longati kutsi ungayicoca nabani longakubonisa ngayo. Bhalela munye umuntfu lometsembako umtjele ngaleninga, ubuye umcele akunike teluleko kutsi ungayisombulula ngayiphi indlela.

[25]**2.6 INKHULUMOLUHLLOLO**

Inkampani lenikela ngemifundzate yekuyewufundzela budokotela enyuvesi, ikubitile kutsi utewungenela inkhulumoluhlolo yalomfundzate. Bhala lenkhulumoluhlolo emkhatsini wakho nebaphatsi labatsatfu balenkampani.

[25]

SAMBA SESIGABA B: 50
SAMBA SAKO KONKHE: 100